

**PM Lancar Cawangan Pertama Kedai Buku 1Malaysia  
Bernama  
22 September, 2012**

KUALA LUMPUR, 22 Sept (Bernama) -- Perdana Menteri Datuk Seri Najib Tun Razak hari ini melancarkan Kedai Buku 1Malaysia yang pertama di Bangunan Pusat Transformasi Bandar (UTC) Kuala Lumpur di sini.

Kedai itu merupakan kedai utama dengan beberapa cawangan lain bakal dibuka di seluruh negara termasuk Sabah dan Sarawak.

Orang ramai berpeluang membeli bahan bacaan terbitan tempatan dan luar negara selain alat tulis pada harga lebih kompetitif berbanding harga pasaran.

Kedai Buku itu bertempat di tingkat satu, diharap dapat menyubur budaya membaca di kalangan rakyat dan berfungsi sebagai 'game changer' dengan bertindak sebagai pemangkin penyatuan antara kaum.

Selain menawarkan produk buku, kedai itu juga membekalkan keperluan sekolah, perpustakaan serta aktiviti pertemuan bagi penulis dan penerbit tempatan.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=696505>